

Cholojil 002

K'amb'al taq b'e rech kach'ob'otaj ri tz'iptalik

Ukab' k'utunik

Kujoj chi na jumul, ajil tz'aqat tatb'anelab' chupam ri qatijonik, kujchoman chi na chirij ri k'amal taq b'e rech qach'ob' rij ri tz'iptalik. Ri qatijonik rix qa'n kanoq are' xujtzijon uloq chirij ri pixab' ri Ajawaxel mism. Aretaq xqachip uloq ri nimalaj qab'inem rumal ri loq'laj Pixab', ri qawakatem chupam ri tz'ib'talik, qaya' jun sik'inik chela rech junam kujb'in chpam ri qach'ich' ub'inam Loq' Pixab'. Ri lal kuya' kapaqi la xaq jawije' k'olib'al, k'el kub'ij wa' chi kuya' kujtatb'ej la xaq jas q'ij; rumal chi aretaq kujtotajik, kqachip chi jun mul k'a chuxe' uloq. Ujk'och k'u ne' pa b'e kujtak'i k'u ne' jawi' ri k'owila, are k'u ri lal a kaj k'u la kpaqi la chupam ri qa ch'ich' kamik, jun kikitomal k'u ri' chqe we kak'uji' la quq.

Kamik k'ut we ne k'o jun kub'an jun k'otow chi'aj: ¿Jas ri kata alaq chqe rech kaqab'ano rech ri jun eta'manik ri' chqe k'o ke'l kub'ij xuquje' sib'alaj kajoror chqe? Utz ri', nab'e jasech: le qabi'j che la chuj tatb'ej la chupam we radio ri'. Qeta'm ne chi e k'ya winaq man kekowin ta che kqatayik ronojel q'ij. K'o nik'yaj xa rumal kichak, ne rumal nik'yaj jasech chik, man kkowin ta che utayi'k we tijonik ri' ronojel q'ij. Are' k'u ne aretaq kakowin la ajil tz'aqat, chb'ana b'a la ronojel chuq'ab' rech kata la we qa tijonik ri', chiki jujunal taq we tijonik ri', rech junam kaqa'n wa' we nik'oxik ri'. Qeta'm chi e k'ya wa' chke ri kujtowik k'o jun ki radio cho taq ri kachoch; ri kab'ix grabadora che, rech kuk'ol kanoq ri qatijonik aretaq tajin kel pari kyaqiq rech kuya' a pan che ri jun ri man kkowin ta k'u ku ta' aretaq taqin kel par i kyaqiq, rech kuta' aretaq kkowinik.

Ukab' jasesch: We man jela utz we kujutz'ib'aj uloq kuy'a kuta uloq ronojel ri qachak ri qab'anom, ri tz'ib' kaqasipaj chke konojel ri kujkitz'ib'aj uloq. Rech kach'ob' alaq, kata alaq cho taq ri k'olib'al alaq ri qatijonik.

Chomaj b'a alaq chi ri kak'omow b'ik sibalaj kabiytajik, je' ta ne' jas ri chikop ri ub'inam tortuga; kqata b'a apan che la chi k'ol b'a jub'iq' ri pasensil la kqaj qab'ij che la sib'alaj k'o pa ri qanima' chi qasik'ij ronojel ri wuj la ri qataq la

uloq chqe. Qarij xuquje' kaqaya' ri b'i la chuxol ronojel ri b'i'aj ri k'o quq, rech we k'o ne rajaqaxik kqataq b'i che la. Je' k'u ri' tz'ib'aj la uloq ri wuj la chqe, ch'optalik n'a' la uloq che, kaya' la uloq ronojel ri b'i la tz'aqat n'a' la che, ri b'i la xuquje' ri kel wi la. K'o aje' taq achalaxik ri man kakiya' ta uloq ronojel ri kib'i man kakib'ij ta uloq ronojel, jawi jechi' keb'el wi. Rumal wa' ajil tz'aqat rajwaxik wi chi ch'optalik, tz'aqat chb'an'a'la che, kaqayej k'ut chi utz utz'ib'ixik chab'an'a' la, rech man ke' ta pa jun k'olib'al chik.

Urox jasech: kurij ri qanima' kqata' che la chi utz we kasak'ij la jub'iq ri tajin kaqatijoj wi qib' che ri uloq pixab' ri Ajawaxel, are' wa' ri kaqaj kaqab'ij chi k'o na ub'anik che ronojel. We ne' kakowin la, kasak'ij la jub'iq ri kaqatijoj na qib' che, aretaq ma ja' kel pri radio tek'u ri' utz we kasak'ij chi la jun mul, aretaq kujto'taj che ri qatijonik che ri jun q'ij. ¿A kanajtaj che la aretaq xujtzijon kan chirij jujun taq q'alajisanik chikij jujun taq nimaq taq achijab' jas ta ne ri tata ri Daniel Webster? ¿Kanataj che chi ri are' kusak'ij ri Pixab' ronojek q'ij? A chalaxik, tatb'anel, utz na we je' wa' k'o chqe uj, are' wa' ri utzij ri Ajawaxel, xaq xuwi' wa', ri jasech ri k'olik rech jun jikom laj naqtasanik. Kawaj kimb'ij che la ruk' usak'il wanima', tatb'anel, kimb'ij che la chi are' wa' ri jun utz laj naqtasanik ri man xin riq ta in.

K'o jun tata' aj tzijol utzij ri Ajawaxel ri maja' naj kuchib' ri uchak, xqib' ruk' we xnow we tijonik ri' ri Dr. J. Vernon McGee, Xub'ij che, chi karaj kuchip jun tijonik re ri Upixab' ri Ajawaxel chupam ri comon tiox, jas ta ne we tijonik ri' RUMAL RI UPIXAB' RI AJAWAXEL. Ri nab'e taq uk'otow chi'aj are' taq wa' ¿Jas kinb'an che uchapik le tijonik, jas taq kuk'am uloq chwe xuquje' che ri komon tiox? Ri Dr. J. Vernon McGee xutzalij ub'ixik xub'ij che: "Ri nab'e jasech ri rajwaxik ub'anik are ri naqtajisanik- tek'uri' xub'ij chi na – K'ya junab' chi wa' tajin kinpatanin che k'almaal b'e, wilom k'ut chi man k'ot k'ax xuquje' man k'ot chi karaj jun che utijoxik rib' jun che ri upixab' ri Ajawaxel. Xane kanataj k'u chwe chi jun chak chupam ri Radio, rajawaxik k'ut chi kintzijo ri Pixab' pa Radio, rumal k'u wa' rajawaxik k'u na chi kintijoj wib'. Kajo' k'u ne' ri tajin kinb'ij,- xuk'is utzam ri utzij ri Dr. McGee- are' wa ri jun naq'atisib'al ri k'o na ub'anik che wa' ri tzijol re we tzij ri' ri man k'o ta ub'anik, chi ri lal kachomaj la". Kaqakoj uj, tatab'anel, chi are' wa' xuquje' we naq'atisab'al ri' ri utz che la.

Are' wa' ri sibalaj nim ub'anik che la, chupam ri k'aslemal la, aj kojonel rech kasak'ij la ri Upixab' ri Ajawaxel. Man nim ta wa' ri kasak'iy la che le jun q'ij; Xa ne jun capitulo wa' ri kqatijoj qib' che ronojel q'ij aretaq kqachip ri qatijonik, xane ri nim na ub'anik are la chi man kqaya' ta kanoq usik'ixik.

Ukaj jasech, kqaj kqab'ij che la chi utz ne katzijoj chke ri aje' taq achalaxik la chirij wa' we programa ri'. Wa' we qab'ij che la ri' man qas ta are' wa ri qas nim ub'anik, qastzij, xane are' wa' jun jasech rech uriqiq apanoq ri achalaxik, xuquje' are' wa uk'ux ri qachak chi ri lal katzijoj la ri qa programa, ruk' wa' we kab'an la ri' le e are' kakesaj utz taq jastaq che we cholajil taq ri' re ri Biblia. Ek'ya chke taq ri kujtowik kakib'ij chupam taq ri ki wuj ri kakitaq uloq: "Ri kinchakun wi, ri nu k'ulja, ri wachil re ri escuela, xutzijoj chwe chirij ri chak ri'. Kaqamaltioxij b'a che la achalaxik ri kujta' la, chi katzijoj la ri qa programa chke taq ri achalaxik, chasak'ij la chi kujkita', b'ij la chke jas emisora ri tajin kel wi ri programa, jas hora ri tajin kel pri kyaqiq, xa je' ri' le e are' kekuinik kakito.

Uro' jasech: k'o jujun taq wuj chi ri uj kaqachomaj chi sib'alaj k'o upatan wa' che we tijonik ri' chupam ri Biblia. We ri lal qastzij kaj la katijoj 'ib' la che, kaj ech la ri bosquejo ri notas ri qachij apanoq. Kaqaj k'ut kaqab'ij apanoq jujun taq wuj, jas rixqab'ij apanoq, chi qachomaj uj chi utz kaqaq'inomirisaj qib' che wa' we tijonik ri'. K'o jun ajtij chupam jun tijob'al re ri Biblia, xuta' chke ri aj ajtijoxekab', "we ri ix ki xe' ta ne puwi' jun mul puwi' ri plo, tek'u ri' kiriqua jun ch'aqap ulew ri sib'alaj naj k'o wi, ¿Jachin chike ri oxib' wuj kiwaj kak'uji' iwuk'?" ri aje' taq tzilib'al re' ri k'atow chi'a'j, sib'alaj k'extalik xuquj'e sib'alaj k'o ub'anik, jun chke chi xaq patz'enem xub'ij, kawaj chi le Biblia xuquje' keb' uk'axwach ri tzijob'elil chirij ri wuj rech ri Rut; jun kinsik'ij, jun chik rech kink'ij chke ri nu k'ulja. Kraj ne we a la ri' tajin cuchomaj rij ri uk'ixik choch ri utijoxik rib' mas che.

Je' ri', ya' b'a la chqe chi qab'ij jun jasech che la, k'o oxib wuj chi sib'alaj k'o ki patan xuquje' chi sib'alaj tzare na che ri tijonik ri tijonik che ri upixab' ri Ajawaxel. Jun wuj ri ub'inam concordancia, Jun utzalaj concordancia man k'ax

ta ukojj, kaqaj kaqab'ij che la chi k'o utz taq concordancia, kak'ix chupan taq ri librerías Evangelicas. We k'o jun librería chunuqaj alaq jawije' ri kel wi la ketob'an la che la che utzukuxik jun echa la ri katob'an che la che ri tijonik 'ib' la che ri Upixab' ri Ajawaxel.

Ri ukab' wuj ri rajawaxik katzukuj la are ri ub'inam Diccionario Biblico. Sib'alaj utz na uloq'iq' jun Diccionario Biblico, rumal chi rajawaxik chaqe amaq'el aretaq tajin kaqatijoj qib'. We ri lal sib'alaj kuna' ri anima' rech katijoj 'ib' la che ri Uloq Pixab' ri Ajawaxel, sib'alaj utz we kaloq' jun Dicconario Biblico la.

Ri orox wuj, ne are ri na'be wuj kujcha' che, ri sib'alaj nim ub'anik cho ronojel: xane are' ri Biblia. Xuquje' ri mas nim ub'anik rumal chi are ri wuj ri kaqatijoj qib' chpam. Tzukuj jun ech la ri Biblia. Are' jun nimalaj q'inomal ri utz ri kariq ech la. Kamik kawaj kintzijon chirij ri Biblia, xuquje' ri ub'antajik ri wuj.

Ri Uloq Pixab' ri Ajawaxel xa jun chub'anik, ne k'ya ri katzijon chirij. Sib'alaj nim ri ub'anik rumal chi e keb' ri xeb'anowik. Pa jun tzij chik, Ri Ajawaxel are' b'anownoq ri Biblia, xuquje' pa jun chomanik chik ri achijab' taq e are' eb'nownoq xuquje'. Qastzij ne, ri Biblia tz'ib'am kumal e kawinaq achijab' chupam kraj ne pa 1500 junab'. Jun jun chike wa' we achijab' ri' man xki ta ta kirsonil chb'il taq kib' xuquje' man xki ch'ab'ela' taq kib' wa we kawinaq achijab' ri'. Kraj ne' jun keb' chke xki riq kib', are' k'u ri nik'yaj man xkiriq ta kib'. Pune' je ri', ri e are' ki jachom jun wuj ri uterne' lob' rib' kajamb'al, ri man ilom ta pa jun wuj chik ri tz'ib' talik. Are' xuquje' jun wuj ri man k'ot ta sachb'al cham. Ri jun rix b'anowik xub'ij taq ri xel loq pa ranima' chke ri junam uk'iyik ruk'. Jun jun chike xkiriq taq ri q'ateb'al kib' xuquje' xetzaqlob'ik. Ri in pob'r laj Moises, jun k'amb'al noj wa' xtzaqlob'ik, xane aretaq tajin kutz'ib'aj ri job' wuj, man k'ot tzaqb'al chpam; man k'ot ta sachb'al chpam ajil tz'aqat, rumal chi xk'am ub'e xuquje' xya' pa taq uk'ol rumal ri Tioxalaj Uxlab'axel. Rumal wa', kaqab'ij chi ri Biblia e keb' "xenuk'uwik"; rumal chi ri Tioxlaj Uxlab'axel are' xabanowik xuquje' ri kawinaq achijab'.

Jas ri kil la, ri Biblia are jun wuj ajchikaj xuquje' aj awuchulew; uwuj ri Ajawaxel xuquje' uwuj ri achi. K'ya rilik wi, chi ri Biblia qas je' kelik jas ri qawal Jesucristo, rumal chi ri are' xul cho ri uwachulew xub'an ti'oj. Are' Dios xuquje' are' winaq. Ri apostol Juan je' xub'an wa' che ub'ixik chupam ri Biblia: Ri tzij xub'an ti'j, xk'uji' chqaxo'l (Jn. 1:14)

¿A eta'm la ajil tz'aqat, chi kujkwinik je' kqab'ij che ri Biblia? Ri Biblia xb'an ti'j che, xuquje' xk'uji' chqaxol. Are' jun wuj rech ri Dios, aretaq kaqil ri jun lad aj chikaj, kaqil kijeb' jastaq sib'alaj nim ub'anik che: ri uq'alajisaxik rib', ri k'ux ri petinoq wi, ri utununem, xuquje' ri uq'alajisaxik. Kuj tzijon na wa' chirij we kijeb' jastaq ri', chueq kab'ij. We ne qas man kach'ob' alaq, kaqaj kaqab'ij chi ri wuj ri qab'anom, ri qab'inam "k'amal taq b'e rech uch'ob'ik ri Pixab'" kuya' kaqaya' che la we utz kil wi la kaqataq b'ik ruk' ronojel qanima' che la, we kujtz'ib'aj la uloq, xuquje' we kaj la we qatijonik ri'.

Ri Biblia xuquje' are' aj uwachulew, ri jun lad aj uwachulew wi, xtz'ib'ax kumal achijab' ri jule' taq kichak. Chki xol xek'uji' nim kib'anik xuquje' emeb'a taq winaq, xk'uji' jun ri sib'alaj k'o reta'm xuquje' jun ri man k'o ta reta'm. Jas ta ne ri Lucas ri ajkun xutz'ib'aj chupam ri ch'ab'al Griego ri nim ub'anik xuquje' kajamb'al chupam ri junab' aretaq ri winaq kech'aw pa ri ch'ab'al ri ub'inam Koine. Ri Simon Pedro, ri are' aj chapal kar, ri are' xutz'ib'aj jub'iq pri ch'ab'al Griego, xane aretaq qas kaqilo ri u tz'ib' pa Griego qas ta utz cho ri rech ri Lucas. ¿Xane' a eta'm la ajil tz'aqat ri kujtatab'ej la? Ri Ajawaxel xeb'ukoj ri keb' achijab' ri'. Ri Ajawaxel, ri Tiox laj Uxlab'axel, xeb'ukoj ri e keb' chijab' ri'. Xane' chi' k'u wa' kaqil wi ri k'uxaj ri Elinoc wi uloq ri Pixab', ri ke'l kub'ij chi ri Dios man xuriq ta k'ax che kikojik ri keb' achijab' ri', chi man xub'an ta k'ax che ri kib'anik wa' we achijab' ri', xuya' b'e chke chi kakiq'alajisaj ri kichomanik, xuqije' ri kib'antajik; kil k'u la chi xkitz'ib'aj qas jas rix b'ix chike. Rumal k'u wa' qab'ij chi qas awinaq. Qas jas ri Qajawal Jesus rix b'in cho ri uwachulew, kosnoc che ri b'e, xt'uyi' chuchi jun k'u'a'. Pune' are' Dios, xuquje' winaq. Le are' katzijon jas ri winaq, katzijon kuk' ri winaq, xuquje' kakich'ob' kib' kuk' ri winaq. Are' je' k'u ri' ri Biblia are' jun wuj ri katzijonik, jun wuj ri k'o ri kub'ij chke conojel ri ajuwachulew kamik.

Ri Biblia are' jun wuj ri keb'uch'ab'ej cononjel kiwach winaq k'o reta'm chi man k'o ta reta'm. Kuch'ab'ej ri achi ri sib'alaj tijotal chupam ri tijonik, xuquje' ri xa jub'iq ri retamab'al. Aretaq ri Biblia kach'awik, ajil tz'aqat, ri karaj kub'ij qas q'alaj, che ri ajtij ri k'o pa ri Universidad, xuquje' qas q'alaj che ri achi ri xa jub'iq ri retamab'al o man k'o ta ne' retamab'al. Je' xuquje' kak'ulmataj ruk' ri ub'inam ri jun tasow ib' chkixol taq ri winaq. K'ya kab'ix kamik ri man k'o ta ch'ab'enik o ch'ob'onik chkixol ri rijab' winaq xuquje' ri ak'alab'. Are k'u ri utzij ri Dios, ajil tz'aqat man kub'an ta nim che jun, nuch' ta ne' che jun chik chkixol ri winaq. Kuch'ab'ej ri ri'j ruk', ri man nim ta ub'anik xuquje' qas q'alaj jas ri kub'an ruk' jun alaj ak'al. Qas qeta'm chi jun sib'alaj ak'alab' ktajin kujkitatab'ej chanim ri', kaqaya' apanoq rutzil kiwach ri e are'. Qamaltioxij ri kitatab'enik xuquje' kaqab'ij chike chi sib'alaj utz ri tajin kakib'ano rumal chi kiyo'm ri kitanik rech kakitijoj kib' che ri utzij ri Dios. Qas qeta'm xuquje' qas kaqach'ob'o chi ri Biblia k'o ri kub'ij chke ri e are', Jas rix qab'ij uloq, chi ri Biblia man jalan ta keril ri winaq. Xa junam kub'an che kich'ab'exik ri winaq. Kamik, ri Biblia are' jun wuj aj chikaj, are jun wuj ri man ajuwachulew taj. Chupam ri wuj ri' ri Ajawaxel kub'ij 2,500 mul: Are' je' xub'ij ri Ajawel, o ri utzij ri Ajawaxel xpe pa nu wi'; o are' je wa' xub'ij ri Ajawaxel. Ri Ajawaxel qas uyo'm kan chisaq, qas je' ub'anom che chi kach'aw rumal ri wuj ri'. Ri wuj ri k'o pa nu q'ab' ri' sib'alaj nu nik'om, xuquje' are' kanow che chi kux jun wuj aj winaq. Sib'alaj eta'mtal uwach, xuquje' q'axam p'ataq nik'yaj ch'ab'al chik. Man tz'ib'an ta pri ch'ab'al ri qas tz'ib'an wi uloq, we ta tz'ib'atal chupam ri ch'ab'al ri qas xb'an wi uloq, man kinkuin ta ri' che usik'ixik. Xa' je' ri' chi q'axam chupan jun ch'ab'al ri kinkuin in che usik'ixik. Kuj tzijon na wa' chirij taq ri aje' taq ch'ab'al ri'.

Xane, ri kamik, kaqaj kaqaya' qa chomanik che ri ub'anik chi ri wuj ri' pa jun lad are' aj chikaj. Are' jun wuj wa' ri kutzijoj k'aslemal we ne pataq ri q'ij ri lal kopan o kab'a'n la jun ralk'u'al ri Dios. Ri apostol Pedro kub'ij: Man yo'm ta wa' rumal winaq ri kasach uwach, xane rumal ri man kasach ta uwach, rumal ri utzij ri k'aslik Dios (I Pedro 1:23). Are' ri karaj ri Dios kub'ij che ri achi. We ta ri Dios kach'aj uloq k'a chikaj kamik ri', xaq kukamlij ub'ixik ri' ri ub'im uloq ojer, rumal chi ri Are' ya ub'im chi uloq ronojel ri karaj kub'ij chke ri winaq. ¡Aaa qachomaj mpe rij taq ri periodic man k'ot jun k'ak' jasech ub'im chqe. Aretaq le a achi xe' pa le ik' man k'o ta xuriqa je la chi ma ta kuch'ob' ta ri Dios aretaq xujach ri Biblia. Are', are Dios ri xb'anow ri uwachulew ri lal

xuquje' ri in uj k'o chupam kamik. Pa jun lad chik, ri Biblia are jun wuj ri sib'alaj aj winaq. Katzijon chirij ri qq'axowem xuquje' ri qalilowem. Ri apostol Pablo kub'ij chqe aretaq uj k'ona chupam ri qa cuerpo, kuj jilowik (2 Cor. 5:2). Jun wuj wa' ri sib'alaj aj uwachulew, ajil tz'aq'at, tatab'anel, xuquje' aj chikaj. Man k'o ta jun ri kajunumataj ta ruk'. Man qach'ob' taj jas che k'ya winaq ri kakitzaq ri ki tiempo che usik'ixik nik'yaj taq wuj chik ri man k'o ta kuya' ta chke, kakisach ri ki tiempo che usik'ixik ri kab'ix novela che ri man k'o ta tijonik chpam, man kak'iysan taj. ¿Jas che wa' kqask'ij taq ri novelas ri xa tonto' taq jastaq ri k'o chpam? ajil tz'aqat tatab'anel, ¿Jas che qasak'iy taq wa we wuj ri' k'o k'ut ri Biblia rech qasak'iy? Ri Biblia sib'alaj jalik xuquje' k'o tzijob'alil chpam ri sib'alaj kuchip ri qanima'.

Kamik k'ut ri joq'otaj ri kkanaj chqe, kaqaj kqab'ij pa keb' oxib' tzij ronojek ri qab'im kamik. Xqab'ij chi k'o job' jasech ri k'o kupatanij chqe rech utz kujel chupam we tijonik taq ri' rech ri Biblia. Ri Nab'e jasech: Xqab'ij chi sib'alaj utz we qata' ri programa ronojel q'ij chpam ri radio, rech uj k'o ronojel q'ij chpam ri k'iyem ri tajin kqab'ano. Ri Ukab'a jasech: Xqab'ij utz we kuj tz'ib'aj la uloq rech kata' la chqe ri ucholajil ri wuj ri tajin kaqakojo rech tijonik, rech man katzaq la jun che ri tijonik aretaq k'o jun q'ij o q'ij ne ri man kakowinta che uta'ik ri programa. Ri urox jasech: Xqab'ij chi sib'alaj utz chi we kasak'ij la ri versículos ri tajin kaqatijoj qib' che. ¿Sib'alaj nim ub'anik wa'! Kraj ne are' ri sib'alaj nim ub'anik wa', chi kasak'iy la ri Pixab' ri kaqatijoj qib' che, aretaq maja' kaqata' ri programa tek'uri' kqasak'iy chi jun mul, aretaq q'axam chi ri tijonik rech ri Biblia. Xa' je ri', qas kkanaj chupam ri qachomanik chqa jujunal ri tajin kaqatijoj qib' che.

Ukaj jasech: Xaqab'ij xuquje' chi sib'alaj utz we kab'ij la apanoq taq wa' we chomanik ri' chke taq ri achalaxik o pa jun tzij chik, katzijoj la wa taq we tijonik ri', chirij we programa ri' ri ub'iman "Xa rumal ri utzij ri Ajawaxel" ("A través de la Biblia") Kab'ij la chke jas emisora, jas frecuencia, jas hora ri kaq'axaj ri programa, rumal taq wa' we ri' ri e are' kakiriq tewchib'al rumal we tijonik taq ri'.

Uro' jasech: Xqab'ij chi utz we kariq la oxib' wuj ri qachomaj uj chi sib'alaj k'o upatan rech ri utz laj k'iyem che taq wa' we tijonik ri', kaqarij chi ri la ktz'ib'aj wa' taq we jastaq ri'. Ri nab'e wuj are' ri jun utzalaj concordancia, jun concordancia Biblica, ri man k'ax ta uriqik chupam jun librería evangelica ja wi je' chi ri kel wi la. Ri ukab' wuj, xqab'ij are' jun diccionario bíblico; wa we diccionario ri' qakoj wa' chpam taq we qa tijonik ri'. Je' k'u ri', sib'alaj utz we qariq jun utzalaj qa diccionario.

Ri urox wuj: Xqab'ij chi qastzij are' ri nab'e wuj, ri qas nim ub'anik choch ronojel, ri qas ri Utzij ri Ajawaxel, xuquje' ri qas uk'ux kuj cha che, rumal chi are' wa ri wuj ri qatijoj qib' che. Ku'l qa k'ux k'ut, chi ri lal kakoj la pa cuenta wa we job' qatob'anik ri' rech kujkuinik kuj b'i'n chupan ri qatijonik chirij ri Pixab' ri man qariq ta q'atib'al ch'pam.

Are k'u ne' we maja' kapaqi' la chpam ri qatololo Biblico, kaqaya' ri sik'inik che la chi kapaqi' la kamik ri'. Chuj tz'ib'aj la uloq, ta' la uloq ri wuj ri tajin qachij che la, kaqataq b'i che la. Kurij ri qanima' kujk'aman b'i che la chupam ri qa tololo Biblico ri', rumal chi man chunaj ta wa' kujoj chupam ri qatijonik chirij ri wuj Genesis, ri nab'e wuj rech ri Biblia. Chupam chi k'u na ri jun programa chik, ajil tz'aqat, tatab'anel, ¡Are' b'a ri Ajawaxel katewchu'n la, are' k'u ri jun nimalaj qach'awem puwi' la!.